

Nunatsinni aatsitassat uran-imik akullit aamma qinngornernik ulorianartunik akullit allat piiarneqalissagaluarpata aatsitassat sinnikuinik mingunnaqisunik nunatsinni eqqaaveqartinneqarsinnaanerisa inerteqqutaalersinnissaat siunertaralugu Naalackersuisut suliniuteqaqqullugit peqquneqarnissaannik Inatsisartut aalajangiiffigisassaattut siunnersuut
(Inatsisartunut ilaasortaq Aqqaluaq B. Egede, Inuit Ataqatigiit)

Akissuteqaat

(Aningaasaqarnermut Aatsitassanullu Naalackersuisoq)

Aappassaanneerinnineq

Allannguutissatut siunnersuut Kalaallit Nunaanni qinngornernik ulorianartunik akulinnik piiaanissamik inerteqquteqarnerup atuutsiqqilernissaanik siunertaqartoq, Inatsisartuni ilaasortat sisamat saqqummiuppaat.

Kalaallit Nunaannut iluaqutaasumik aatsitassanik piiaanissaq, Kalaallit Nunaanni siunissami ineriartortitsinissamut Naalackersuisut periusissaanni pingaernerpaanut ilaavoq. Qinngornernik ulorianartunik akulinnik piiaanissamik imminermi inerteqquteqarneq, Kalaallit Nunaata nunatut aatsitassarsiorfiusut ineriartortinneqarnissaanut pisariaqanngitsumik akimmiffiussasoq Naalackersuisut isumaqarput. Taamaattumik Naalackersuisut inerteqquteqarnissamut taamaattumut tapersiisinnaanngilaat.

Piiaanissamut akuersissummik qinnuteqartoqarneri tamaasa, suliassap avatangiisinut, isumannaallisaanermut peqqinnissamullu tunngasortai sukumiisumik nassuiarneqartussaapput. Tamanna piiaanissamut suliassanut tamaginnut atuuppoq – aamma qinngornernik ulorianartunik akulinnik piiaanissamut. Aatsitassanut ikummatissanullu inatsit atorlugu ingerlatseqatigiiffinnut sukannernerusunik piumasaaqateqartarpugut, assersuutigalugu isumannaatsumik eqqaaveqarnissaq, siunnersuutaappaartumi sammineqartoq.

Aalajangiiffigisassatut siunnersuutaappaartup siullermeerneqarnerani erseqqissariikkattut, piianeq avatangiisinut, isumannaallisaanikkut peqqinnissakkullu isumannaatsumik ingerlanneqassasoq ingerlatseqatigiiffiup uppersarpagu aatsaat, qinngornernik ulorianartunik akulinnik piiaanissamut akuersissut Naalackersuisut akuersissuteqarfignissaat. Tamanna inatsisat inersuarmi maani akuerisaasut naapertorlugit pisussaaffigaarput. taamatuttaaq Kalaallit Nunaata piujuartitsiviusumik ineriartortinnissaanik ilungersuuteqarnissaq pillugu politikikkut isummertarnitsinnit pisussaaffeqarpugut.

Tamanna tungavigalugu allannguutissat siunnersuut saqqummiunneqartoq
itigartinneqassasoq Naalakkersuisut inassutigaa, taamatullu siunnersuutaqqaartoq
itigartinneqassasoq Naalakkersuisut inassutigaa.